



REPUBLIKA E KOSOVËS
REPUBLIKA KOSOVA - REPUBLIC OF KOSOVA

KOMISIONI I PAVARUR I MEDIAVE
NEZAVISNA KOMISIJA ZA MEDIJE
INDEPENDENT MEDIA COMMISSION



Emri i biznesit: Media Center "Vala" Sh.p.k

Numri Unik Identifikues: 811283390

Drejtor: Shpejtim Ndrecaj

OSHMA: Radio Vala 2000

Adresa: Rr. Avni Rustemi, pn, Shirokë, Suharekë



VENDIM

për ripërtëritjen e licencës të Ofruesit të Shërbimeve Mediale Audio - Radio Vala 2000, dhe ndryshim të emrit në Radio Vala me seli në Shirokë, Komuna e Suharekës

Fakte

1. Komisioni i Pavarur për Media (KPM), është organ i pavarur i cili është kompetent për rregullimin, menaxhimin dhe mbikëqyrjen e spektrit të frekuencave të transmetimit. KPM-ja rregullon të drejtat, detyrimet si dhe përgjegjësitë e personave fizik dhe juridik të cilët ofrojnë shërbimet mediale audio dhe audiovizuale.
2. Radio Vala 2000 është Ofrues i Shërbimeve Mediale Audio me mbulim lokal, i cili është licencuar nga Komisioni i Pavarur për Media (KPM), për transmetimin tokësorë analog të programeve të radios, me seli në Shirokë Komuna e Suharekës. KPM, me vendimin e datës 28 gusht 2016, ka marr vendim për lëshimin e licencës së Radio Vala 2000 për një afat prej shtatë (7) vitesh, ndërsa më datën 28 gusht 2023, skadon afati i licencës së Radio Vala 2000.
3. Me datën 18 prill 2023, KPM përmes e-mail ju ka dërguar shkresë të gjitha radiove të cilave afti i licencës ju skadon në vitin 2023, në mesin e tyre edhe Radio Vala 2000, përmes së cilës shkresë i ka njoftuar lidhur me skadimin e afatit të licencës dhe mundësin e ripërtëritjes së saj në pajtim me Nenin 25 të Ligji Nr. 04/L-44 për Komision i Pavarur të Mediave.
4. Më datën 25 prill 2023, Radio Vala 2000 ka dorëzuar një kërkesë me shkrim në Zyrën Ekzekutive të KPM-së, përmes së cilës ka kërkuar ripërtëritjen e licencës. Gjithashtu, Radio Vala 2000 ka kërkuar edhe ndryshimin e emrit nga Radio Vala 2000 në Radio Vala.

Arsyetim

5. Neni 25 i Ligjit të KPM-së përcakton: *Përveç rasteve kur KPM-ja konsideron se licenca nuk duhet të ripërtëritjet për shkak të shkeljes së dispozitave materiale nga ana e ofruesit*

të shërbimit medial audiovizuel privat për sa u përket kushteve dhe kriterëve të licencimit, kandidati ka të drejtë të kërkojë përtëritjen e licencës nga Komisioni brenda gjashtë (6) muajve para skadimit të datës së licencës ekzistuese dhe minimum gjashtëdhjetë (60) ditë para skadimit të licencës.

6. Me anë të shkresës së datës 18 prill 2023, lidhur me njoftimin për skadimin e afatit të licencës, KPM gjithashtu, ka njoftuar Vala 2000 lidhur me dokumentacionin e nevojshëm për ripërtëritjen e licencës.
7. Komisioni konstaton se, Radio Vala 2000 përmes kërkesës me shkrim ka shprehur interesim për vazhdimin e veprimtarisë së ofrimit të shërbimeve mediale audio (radio) në lokacionin për të cilin është licencuar.
8. Komisioni konsideron se nuk janë evidentuar shkelja të tilla të dispozitave materiale të Ligjit dhe akteve nënligjore të KPM-së, nga ana e ofruesit të shërbimit medial, Radio Vala 2000 të cilat shkelje do të pamundësonin ripërtëritje të licencës.
9. Komisioni konstaton se Radio Vala 2000 ka shlyer të gjitha obligimet financiare ndaj KPM - së, përfshirë këtu edhe pagesën e tarifës administrative për ripërtëritje të licencës, e paraparë me Rregulloren KPM-2017/06.
10. Komisioni konstaton se sipas verifikimit në Agjencinë e Regjistrimit të Bizneseve në Kosovë (ARBK), përmes të dhënave mbi bizneset që mund të shihen në faqen e internetit të kësaj agjencie, nuk ka ndryshim të pronësisë së Radio Vala 2000.
11. Komisioni vlerëson se emri i propozuar për ndryshim nga “Radio Vala 2000” në “Radio Vala”, (pra të hiqet prapashtesa “2000”), bazuar edhe në arsyetimin e pronarit, nuk është i ngjashëm me emrat e të licencuarve tjerë, dhe se përdorimi i emrit Radio Vala gjatë transmetimit të programit dhe identifikimit, nuk do të paraqes pengesa dhe konfuzion tek dëgjuesit, dhe si e tillë kërkesa për ndryshim të emrit është e pranueshme.
12. Komisioni vlerëson se kërkesa për ripërtëritjen e licencës së Radio Vala 2000 si dhe kërkesa për ndryshim të emrit është dorëzuar në pajtim me dispozitat ligjore të parapara me Ligjin dhe aktet nënligjore të KPM-së dhe si e tillë kërkesa për ripërtëritjen e licencës dhe ndryshimit të emrit të Radio Vala 2000 i plotëson kushtet për miratim dhe se ripërtëritja e licencës është në interesin e publikut në lokacionin në të cilin transmeton program.

Vendim

13. Komisioni merr vendim për miratimin e kërkesës për ripërtëritjen e licencës së Radio Vala 2000, për vazhdimin e veprimtarisë të ofrimit të shërbimeve mediale audio, e cila është në interes të publikut në lokacionin për të cilin është licencuar dhe është duke transmetuar program Radio Vala 2000.
14. Komisioni merr vendim për miratimin e kërkesës për ndryshimin e emrit të Radio Vala 2000 në **Radio Vala**.

15. Licenca e Radio Vala, do të jetë e vlefshme për një afat prej shtatë (7) vitesh, ashtu siç është përcaktuar me Nenin 21, paragrafin 2, të Ligjit për KPM-në, ndërsa vlefshmëria e afatit të licencës do të llogaritet nga data 28 gusht 2023.
16. Të gjitha parametrat e licencës së Radio Vala, siç janë: kategoria e të licencuarit, skema programore, parametrat teknike dhe harta e zonës së mbulimit do të mbesin të pandryshuar nga licenca paraprake.
17. Këtë vendim e lëshon Komisioni dhe i njëjti hyn në fuqi nga data e nënshkrimit.



Jeton Mehmeti
Kryetar
Komisioni i Pavarur i Mediave



03.10.2023

Datë